

Na osnovu člana 21. stav (2) tačka e) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i člana 80. stav (1) tačka i), a u vezi s čl. 84. i 85. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK

O MJERAMA I RADNJAMA KOJE PODUZIMA UPRAVA POLICIJE MINISTARSTVA UNUTRAŠNJIH POSLOVA KANTONA SARAJEVO NA PROVOĐENJU AMNESTIJE ZA NELEGALNO POSJEDOVANJE ORUŽJA IZ KATEGORIJE B, KAO I U VEZI LEGALIZACIJE ORUŽJA

DIO PRVI - OPĆE ODREDBE

Član 1.

(Predmet)

Ovim pravilnikom propisuju se mjere i radnje koje preduzima Uprava policije Ministarstva unutrašnjih poslova Kantona Sarajevo (u daljnjem tekstu: Uprava policije) na provođenju amnestije i legalizacije za nelegalno posjedovanje oružja kategorije B (u daljnjem tekstu: oružje) na području Kantona Sarajevo, vođenje upravnog postupka nakon podnesenih zahtjeva, nadležne organizacione jedinice i zaposlenici za provođenje pojedinih mjera i radnji, vođenje evidencija, izdavanje potvrda i donošenje rješenja, saradnja sa drugim stručnim organima u postupku sigurnog izmještanja oružja, kao i druga pitanja koja su od značaja za navedene oblasti.

Član 2.

(Primjena zakona i podzakonskih propisa)

U postupku provođenja amnestije i legalizacije oružja, nadležne organizacione jedinice dužne su u odgovarajućoj mjeri primjenjivati Zakon o nabavljanju, držanju i nošenju oružja i municije ("Službene novine Kantona Sarajevo", broj 1/18, u daljnjem tekstu: Zakon) kao i druge odgovarajuće zakone i podzakonske propise.

Član 3.

(Amnestija lica)

Amnestija lica je oslobađanje od odgovornosti za nelegalno posjedovanje oružja B kategorije, prilikom dobrovoljne predaje istog.

Član 4.

(Legalizacija oružja)

Legalizacija oružja je postupak registracije neregistrovanog oružja koje je lice posjedovalo bez odobrenja za koje nije potrebno dokazivati porijeklo oružja, uz ispunjenost uvjeta propisanim Zakonom.

Član 5.

(Ravnopravnost spolova)

Gramatička terminologija u ovom pravilniku podrazumjeva uključivanje oba spola.

DIO DRUGI - POSTUPAK PRIJEMA I POSTUPAK NAKON PRIJEMA ORUŽJA KATEGORIJE B I VOĐENJE EVIDENCIJE

Član 6.

(Postupak prijema oružja kategorije B)

- (1) Policijske stanice kao sastavni dijelovi policijskih uprava, vrše prijem oružja kategorije B koje dobrovoljno predaju fizička lica.
- (2) Prijem oružja može se izvršiti u drugom objektu ili na drugoj lokaciji ukoliko postoji opasnost da bi prenošenje ili donošenje oružja u službene prostorije policijske stanice moglo ugroziti ličnu i imovinsku sigurnost zaposlenika i građana.

- (3) U slučaju prijema oružja u službenim prostorijama policijske stanice ili u drugom objektu ili na drugoj lokaciji isto će se deponovati u sigurnu prostoriju do donošenja pravosnažnog rješenja iz člana 8. ovog pravilnika.
- (4) Fizičkom licu izdaje se odgovarajuća Potvrda o dobrovoljnoj predaji oružja po amnestiji i/ili legalizaciji u kojoj je naznačeno da li se oružje trajno predaje ili se predaje radi legalizacije (registracije, odnosno izdavanja isprave o oružju).
- (5) Potvrda iz stava (4) ovog pravilnika nalazi se na obrascu broj 1 koji je sastavni dio ovog pravilnika.
- (6) Nadležna policijska uprava će obezbijediti dovoljan broj ovjerenih obrazaca Potvrda iz stava (4) ovog člana koje bi se izdavale i nakon radnog vremena ili u dane vikenda i praznika.

Član 7.

(Vođenje Evidencije primljenog oružja kategorije B)

- (1) Policijska stanica vodi Evidenciju primljenog oružja kategorije B, koja je materijalnog oblika, formata A4, položeno, jednostranično i koja sadrži slijedeće rubrike: redni broj; ime i prezime i adresa prebivališta fizičkog lica koje je predalo oružje; podaci o oružju (vrsta, marka, fabrički broj, kalibar, količina); vidljiva oštećenja oružja; karakteristični znaci i obilježja na oružju i primjedba.
- (2) Evidencija iz stava (1) ovog člana vodi se u formatu A4, položeno, jednostranično, na obrascu broj 2 koji je sastavni dio ovog pravilnika.

Član 8.

(Postupak nakon prijema oružja i donošenje Rješenja o davanju amnestije)

- (1) Nakon prijema oružja koje dobrovoljno preda fizičko lice, načelnik nadležne policijske uprave donosi Rješenje o davanju amnestije za krivično djelo iz člana 74. stav (1) tačka a) Zakona u roku od 15 dana od dana izdavanja potvrde iz člana 6. ovog pravilnika.
- (2) Protiv rješenja iz stava (1) ovog člana, može se izjaviti žalba policijskom komesaru u roku od 15 dana od dana prijema rješenja, a žalba zadržava izvršenje rješenja.
- (3) Obrazac Rješenja o davanju amnestije nalazi se na prilogu broj 3 koji je sastavni dio ovog pravilnika.

DIO TREĆI - POSTUPAK NAKON PREDAJE ORUŽJA ZA KOJE JE PODNESEN ZAHTJEV ZA LEGALIZACIJU

Član 9.

(Zahtjev za legalizaciju oružja)

- (1) Nakon donošenja Rješenja o davanju amnestije i pribavljanja potvrde o tehničkoj ispravnosti oružja iz stava (3) ovog člana, fizičko lice može u pisamici nadležne policijske uprave, podnijeti Zahtjev za legalizaciju oružja.
- (2) Zahtjev za legalizaciju oružja nalazi se na obrascu broj 4 koji je sastavni dio ovog pravilnika.
- (3) Fizičko lice koje je oružje predalo radi legalizacije, poučice se da je dužno u što kraćem roku, a najdalje u roku od sedam dana od dana predaje oružja, odnosno izdavanja Potvrde o dobrovoljnoj predaji oružja po amnestiji i/ili legalizaciji, angažovati odgovarajuće stručno lice - oružara, koje će u službenim prostorijama policijske stanice izvršiti tehnički pregled te izdati odgovarajuću potvrdu o utvrđenom stanju u kojoj će unijeti konstataciju da li je oružje tehnički ispravno ili tehnički neispravno.

Član 10.

(Postupak u slučaju predaje oružja radi legalizacije nenadležnoj policijskoj stanici)

- (1) U slučaju predaje oružja radi legalizacije policijskoj upravi na čijem području fizičko lice nema prebivalište, a ima prebivalište na području Kantona Sarajevo, policijska uprava će izvršiti prijem oružja i izdati odgovarajuću potvrdu, evidentirati prijem u evidenciju iz člana 7. ovog pravilnika, nakon čega će kompletnu dokumentaciju i primljeno oružje,

odmah dostaviti nadležnoj policijskoj upravi, što će se konstatovati u pomenutoj evidenciji u rubrici "Primjedba".

- (2) Fizičko lice iz stava (1) ovog člana uputiće se da zahtjev za legalizaciju može podnijeti u nadležnoj policijskoj upravi.

Član 11.

(Postupanje nadležnog organa po Zahtjevu za legalizaciju oružja)

- (1) Viši samostalni referent za oružje nadležne policijske uprave, nakon prijema zahtjeva iz člana 9. ovog pravilnika preduzeće sljedeće mjere i radnje:
- provjeriti da li je zahtjev podnesen u roku iz člana 84. stav (1) Zakona,
 - provjeriti da li zahtjev sadrži sve propisane podatke iz člana 9. ovog pravilnika,
 - izvršiti vizuelni pregled oružja,
 - provjeriti da li je oružje registrovano i
 - provjeriti da li se oružje potražuje od nadležnih organa.
- (2) Ukoliko se vizuelnim pregledom oružja ustanovi da su na oružju koje je predato radi amnestije i/ili legalizacije vršene određene ispravke kod fabričkog broja ili je isti izbrisan ili uništen ili je oružje tehnički neispravno nakon pregleda iz člana 9. stav (3) ovog pravilnika, načelnik nadležne policijske uprave donijeće Rješenje o odbijanju zahtjeva za legalizaciju oružja.
- (3) Nakon izvršenih provjera iz stava (1) ovog člana, ukoliko se utvrdi da je zahtjev blagovremen, da sadrži sve propisane podatke, da oružje nije već registrovano i da se oružje ne potražuje od nadležnih organa, po istom će se dalje postupati u skladu sa odredbama Zakona.
- (4) Nakon provedenog postupka iz st. (2) i (3) ovog člana, ukoliko ispunjava propisane uvjete iz člana 10. st. (4) i (5) Zakona, nadležna policijska uprava će podnosiocu zahtjeva izdati oružni list.
- (5) Ukoliko se, nakon provedenog postupka iz st. (1), (2) i (3) ovog člana, utvrdi da podnosilac zahtjeva ne ispunjava sve propisane uvjete iz člana 10. st. (4) i (5) Zakona, načelnik nadležne

policijske uprave donijeće Rješenje o odbijanju zahtjeva za legalizaciju oružja.

- (6) Sastavni dio Rješenja o odbijanju zahtjeva za legalizaciju oružja je odluka o oružju (uništenje i dr.).
- (7) Protiv rješenja iz stava (4) ovog člana, može se izjaviti žalba policijskom komesaru roku od 15 dana od dana prijema rješenja. Žalba zadržava izvršenje rješenja.
- (8) Rješenje o odbijanju zahtjeva za legalizaciju nalazi se na obrascu broj 5 koji je sastavni dio ovog pravilnika.

DIO ČETVRTI - PRELAZNE I ZAVRŠNE ODREDBE

Član 12.

(Postupanje s oružjem koje je predmet amnestije)

Sa oružjem koje je predato po amnestiji postupiće se u posebnom postupku i donijeti odluka (rješenje) u skladu s odgovarajućim provjerama i drugim preduzetim mjerama i radnjama.

Član 13.

(Dužnost odgovornog postupanja)

Svi zaposlenici Uprave policije koji su po odredbama Zakona i ovog pravilnika nadležni za preduzimanje mjera i radnji, dužni su sa naročitim oprezom postupati sa oružjem, poštujući sigurnosna pravila prijema i deponovanja oružja, kako ne bi došlo do ugrožavanja lične i imovinske sigurnosti kako građana, tako i zaposlenika u organizacionim jedinicama.

Član 14.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01/2-05-4038/18
06. jula 2018. godine
Sarajevo

Ministar
Vedran Mulabdić, s. r.

Obrazac broj 1

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
_____ policijska uprava
SARAJEVO

Broj: _____

Datum: _____

Na osnovu člana 84. i 85. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18) i člana 6. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18, iz d a j e s e

POTVRDA
o dobrovoljnoj predaji oružja po amnestiji i/ili legalizaciji

Kojom se potvrđuje da je dana _____ godine, u _____ sati, _____

_____, sin/kći _____, rođen-a _____ godine,
(ime i prezime fizičkog lica ili naziv pravnog lica)

u _____, nastanjen-a (sjedište pravnog lica) u _____, ulica

_____, broj _____, općina _____, JMBG _____

_____ dobrovoljno predao slijedeće:

(naziv org. Jedinice kojoj se vrši predaja)

1. _____

(vrsta, marka, fabrički broj, kalibar)

2. _____

(vrsta, marka, fabrički broj, kalibar)

3. _____

(vrsta, marka, fabrički broj, kalibar)

4. _____

(vrsta, marka, fabrički broj, kalibar)

NAPOMENA: Oružje se predaje:

1. Radi trajne predaje (amnestija)

2. Radi izdavanja isprave o oružju (legalizacija)

Zaključno sa rednim brojem _____ (_____)
(slovima)_____
(ime i prezime i potpis osobe koja predaje oružje)

M:P

(ime i prezime i potpis OSL koje preuzima oružje)

Obrazac broj 3

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
_____ **policijska uprava**
SARAJEVO

Broj: _____

Datum: _____

Na osnovu člana 8. stav (1) tačka i) i člana 20. stav (1) tačka i) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16), člana 85. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), člana 8. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18) i člana 139. Zakona o upravnom postupku F BiH ("Službene novine Federacije BiH", broj 2/98 i 48/99), u predmetu davanja amnestije, načelnik _____ policijske uprave, po službenoj dužnosti, d o n o s i

RJEŠENJE

Daje se amnestija za lice _____ sin _____ JMB _____ za krivično djelo propisano članom 74. stav (1) tačka a) Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18).

O b r a z l o ž e n j e

Dana ____ . ____ . ____ . godine _____, je dobrovoljno predao oružje _____ (ime i prezime fizičkog lica ili pravnog lica) _____, za šta mu je izdata Potvrda o dobrovoljnoj predaji oružja po _____ (naziv organizacione jedinice)

amnestiji i/ili legalizaciji broj _____ od ____ . ____ . ____ . godine.

Imajući u vidu navedeno, te u skladu sa odredbama člana 85. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), odlučeno je kao u dispozitivu rješenja.

Protiv ovog rješenja može se izjaviti žalba policijskom komesaru u roku od 15 dana od dana prijema rješenja.

U skladu sa članom 8. stav (2) Pravilnika o mjerama i radnjama kojem poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18), žalba zadržava izvršenje rješenja.

NAČELNIK

Dostavljeno:

1. Imenovanom,

2. a/a

Obrazac broj 4

(ime, ime oca i prezime)

(dan, mjesec i godina rođenja)

(jedinstveni matični broj građanina)

(mjesto i općina rođenja)

(adresa stanovanja/adresa sjedišta pravnog lica)

(naziv organa u kojem je lice zaposleno)

(zanimanje)

(broj kontakt telefona)

POLICIJSKA UPRAVA

U skladu sa članom 84. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18) i članom 9. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18), p o d n o s i s e

**ZAH T J E V
ZA LEGALIZACIJU ORUŽJA**

Molim naslov da mi se na osnovu člana 84. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18) i člana 11. stav (4) Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18), izvrši registracija oružja i izda oružni list za oružje, koje sam dobrovoljno predao, a radi se o:

1. _____
(vrsta, marka, fabrički broj, kalibar)
2. _____

(ostali podaci potrebi o oružju:dokumentacija o poklonu ili porijeklu, potvrda o tehničkoj ispravnosti oružja i dr.)
3. _____
(broj i datum rješenja o amnestiji)
4. _____
(navesti razloge zbog kojih se podnosi zahtjev za registraciju i izdavanje oružnog lista)
5. _____
(navesti da li eventualno posjeduje drugo oružje i podatke o istom)

Datum: _____

PODNOŠILAC ZAH T J E V A

Obrazac broj 5

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
_____ **policajska uprava**
S A R A J E V O

Broj: _____

Datum: _____

Na osnovu člana 8. stav (1) tačka i) i člana 20. stav (1) tačka i) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16), člana 30. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), člana 11. stav (2) ili (5) Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18) i člana 200. Zakona o upravnom postupku F BiH ("Službene novine Federacije BiH", broj 2/98 i 48/99), a povodom zahtjeva za legalizaciju oružja, koji je podnio _____ iz _____ načelnik _____ policijske uprave, d o s i

R J E Š E N J E

1.Odbija _____ se _____ za
lice _____ sin _____ JMB _____
legalizacija oružja, odnosno registracija i izdavanje oružnog lista za prijavljeno oružje i
to: _____
(vrsta, marka, fabrički broj, kalibar)

2.U skladu sa članom 12. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18), oružje će se _____

O b r a z l o ž e n j e

Dana _____ . _____ . _____ .godine _____, je podnio zahtjev za
(ime i prezime fizičkog lica ili pravnog lica)

legalizaciju oružja radi registracije oružja i izdavanja oružnog lista na osnovu člana 84. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18) i člana 9. Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18).

Uz zahtjev je priložena potvrda o dobrovoljnoj predaji oružja po amnestiji i/ili legalizaciji broj _____ od _____ . _____ . godine, potvrda o o utvrđenom stanju u vezi ispravnosti oružja broj _____ od _____ . _____ . godine i Rješenje o davanju amnestije broj _____ od _____ . _____ . godine.

U provedenom postupku utvrđeno je (navesti razloge za odbijanje zahtjeva za legalizaciju)

Imajući u vidu navedeno, a u skladu sa odredbama člana 8. stav (1) tačka i) i člana 20. stav (1) tačka i) Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16), člana 30. Zakona o nabavljanju, držanju i nošenju oružja i municije ("Službene novine Kantona Sarajevo", broj 1/18), člana 11. stav (2) ili (5) Pravilnika o mjerama i radnjama koje poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18) i člana 200. Zakona o upravnom postupku F BiH ("Službene novine Federacije BiH", broj 2/98 i 48/99), odlučeno je kao u dispozitivu.

Protiv ovog rješenja može se izjaviti žalba policijskom komesaru u roku od 15 dana od dana prijema rješenja.

U skladu sa članom 11. stav (6) Pravilnika o mjerama i radnjama kojem poduzima Uprava policije Ministarstva unutrašnjih poslova Kantona Sarajevo na provođenju amnestije za nelegalno posjedovanje oružja iz kategorije B, kao i u vezi legalizacije ("Službene novine Kantona Sarajevo", broj /18), žalba zadržava izvršenje rješenja.

NAČELNIK

Dostavljeno:

1. Imenovanom,
2. a/a